

**PEMBERITAHUAN PERTANYAAN DEWAN RAKYAT  
JAWAPAN OLEH YB DATUK SERI DR. S. SUBRAMANIAM  
MENTERI KESIHATAN MALAYSIA**

**PERTANYAAN : LISAN**  
**DARIPADA : YB TUAN HAJI KHALID BIN ABDUL SAMAD**  
**[SHAH ALAM]**  
**TARIKH : 23 NOVEMBER 2015**  
**SOALAN :**

**Tuan Haji Khalid bin Abdul Samad [ ShahAlam ]** minta **MENTERI KESIHATAN** menyatakan status pembukaan Hospital Shah Alam dan bilakah hospital tersebut akan memulakan operasi sepenuhnya.

**Tuan Yang di-Pertua,**

Majlis penyerahan rasmi Hospital Shah Alam oleh YB Menteri Kerja Raya kepada YB Menteri Kesihatan telah diadakan pada 4 Ogos 2015. Dari tempoh penyerahan sehingga akhir September 2015, pihak hospital telah menguruskan kerja-kerja pengujian peralatan yang diterima, memperkemas sistem pengurusan hospital serta mempersiapsediakan kakitangan hospital bagi pengoperasian hospital.

Hospital Shah Alam telahpun memulakan operasi pada 5 Oktober yang lalu dengan pembukaan komponen pesakit luar iaitu komponen Klinik Pakar. Ini akan diikuti dengan pembukaan perkhidmatan Unit Hemodialisis dan Pusat Rawatan Harian (Perubatan). Mengikut

perancangan, pengoperasian Hospital Shah Alam akan diadakan secara berperingkat di mana pengoperasian penuh bagi komponen-komponen lain seperti rawatan pesakit dalam, kecemasan dan dewan bersalin dijangka akan bermula pada bulan Januari 2016.